

## **HUTANG 1MDB**

**Chedet.cc**

**3 August 2017**

**Tun Dr Mahathir Mohamad**

1. Tiba-tiba 1MDB mengaku tidak dapat bayar hutang sebanyak USD600 million / RM2,580 billion kepada IPIC, sebuah dana pelaburan milik Abu Dhabi yang telah jamin hutang oleh 1MDB.
2. Oleh kerana 1MDB sudah diambil alih oleh Kerajaan, maka Kerajaanlah yang gagal bayar hutang.
3. Kenapa tidak?
4. Tak ada duitkah kita?
5. Bila kita hutang kita perlu ada rancangan untuk bayar. Duit yang dihutang bukan untuk belanja hangus. Tentu ada rancangan untuk melabur, untuk dapat keuntungan yang boleh diguna untuk bayar hutang dalam satu jangka masa tertentu.
6. Jika diguna untuk membeli apa-apa, apa yang dibeli akan menjadi aset pegangan peminjam. Aset boleh dijual dan hasil boleh diguna untuk bayar hutang. Taklah semua. Hutang yang perlu dibayar pada Julai 31 hanya separuh sahaja. Lagi separuh boleh dibayar pada bulan Disember.
7. Jikalau harga jualan merugikan pun, sebahagian dari pelaburan atau harta boleh dijual cukup untuk bayar hanya separuh dari hutang.
8. Tetapi Kerajaan tidak dapat bayar. Mana pergi duit yang dihutang. Jika tidak rugi kerana pelaburan atau tidak beli harta yang boleh dijual, dimanakah duit yang dipinjam berada.
9. Sekarang Bank Negara mengeluarkan bon untuk sebanyak RM2.5 billion. Jika perolehan dari bon mencukupi untuk bayar hutang, soal ke mana pergi wang yang dipinjam masih tidak terjawab. Pinjaman melalui bon perlu dibayar.
10. Pendapat Najib ialah orang Melayu bodoh. Bagi duit secara langsung kepada orang Melayu, mereka tidak akan soal lagi di mana pergi USD600 million. Yang hilang duit Kerajaan. Wang tunai yang diberi secara langsung lebih mudah dirasai dari duit berbillion yang hilang oleh Kerajaan.
11. Dan Najib percaya orang Melayu akan terus sokong Najib. Tetapi orang Melayu bukan bodoh seperti disangka oleh Najib. Mereka sudah sedar duit yang hilang itu adalah duit mereka. Hutang juga akan dibayar oleh mereka dan anak cucu mereka.
12. Hutang yang tidak dibayar oleh Najib akan dipikul oleh rakyat termasuk orang Melayu. Maka akan dinaikkan cukai GST dan lain-lain.
13. Jika hutang negara tidak dibayar, negara akan jadi mufli. Maka negara tidak dapat hutang lagi. Tabung Kerajaan akan merosot. Bukan sahaja dana untuk pembangunan akan kurang dana untuk operasi juga akan terhakis. Akan merosot berterusanlah ekonomi negara.

7 thoughts on "HUTANG 1MDB"

1.

2.  [Log in to Reply anti rasuah](#) Aug 4, 2017 8:14 AM

Assalamualaikum Tun.

Nak beritahu semua antara pembaca walaupun saya seperti Tun iaitu Melayu campur darah bangsa lain tetapi darah Melayu lebih dalam diri saya. Itu realiti dan hakikat yang kita tidak boleh elak. Sekiranya ada orang mengubah realiti dan mewar-warkan perkara sebaliknya maka itu namanya fitnah. REALITINYA FITNAH TERSIBAR OLEH ZAHID KOMIDI DAN NAJIS RAZAK TENTANG ASAL-USUL TUN.

Nak lagi mudah faham realiti ikut kefahaman agama Islam bahawa kejadian manusia di dunia ini adalah asalnya penyatuan Nabi Adam dan Hawa. Jadi terbentuknya orang Melayu, orang India, orang Cina dan kononnya keturunan bangsawan atau keturunan raja adalah pengasingan masyarakat disebabkan terlalu banyak factor keadaan pada masa lampau. Namun sebagai Islam, kita kena faham asas asal-usul keturunan manusia hanya satu iaitu Nabi Adam dan Hawa. Datangnya kita kerana Allah dan matinya kita kepada Allah. Kita mati sebagai Islam hanya bersalutkan kain putih, tidak kira Melayu, India, Cina, Raja bersiung, menteri, PM, TPM, Agong, semuanya sama bentuk kelahiran dan kematian. Allah tidak pernah membezakan umat manusia di dunia ini, mengapa kita manusia kejadianNYA mahu membeza-bezakan kononnya Melayu, kononnya raja lebih mulia dari manusia lain. Jika manusia yang mengaku beriman pada Allah swt, beranggapan begitu, pandangan peribadi saya manusia itu nampak lahiriahnya sudah jauh dari apa yang Allah swt tuntutan.

Jika diteliti sejarah Nabi Muhammad SAW, nabi sendiri tidak hidup seperti raja, menteri yang bongkak dan sebagainya. Jadi di mana pegangan hidup kita yang mengaku "TIADA TUHAN YAN DISEMBAH MELAINKAN ALLAH, DAN MUHAMMAD ITU PESURUH ALLAH".

Ternyata manusia mudah lupa kepada ajaran Islam sebenarnya.

Berbalik kepada hutang 1MDB Tun, ternyata ianya satu malapetaka berpunca dari pemimpin Malaysia yang tiada pegangan agama sebenar dan tidak takut akan balasan di akhirat kelak.

Saya melihat jika ada pun pecahan Melayu di Malaysia kini. bagi saya ianya akan terpecah dua iaitu yang mengaku kononnya mereka Melayu tulen ( penyokong tegar UMNO ) dan satu lagi bukan Melayu tulen ( campuran Melayu dengan bangsa lain ).

Bagi Zahid Komidi dia adalah sejenis Melayu TULIN TIRUAN kerana kedua-dua ibu-bapanya dari Jawa. Manakala Najis Razak pula dari keturunan bangsawan Bugis. Nak tahu jika lahir anak hasil dari Najis dan Rosmah, maka lahirlah campuran darah Bangsawan Bugis puaka.

Sekian Tun.

3.

4.  [Log in to Reply rimba.emas](#) Aug 3, 2017 11:19 PM

Salam Tun.

1. Malaysia sebuah negara Islam yang sedang menanggung hutang.
2. Malangnya hutang itu masih belum di langsaikan.
3. Rimba Emas percaya kita rakyat Malaysia berpelajaran tinggi dan tidak mungkin boleh di perbodohkan PM sekarang.
4. Sama ada rakyat di bandar atau di luar bandar pasti pernah berhutang. Kita tahu ukur baju di badan, (simpulan bahasa) maksudnya kita berhutang mengikut kemampuan kita.
5. Malah sekarang pun ada antara kita rakyat sedang menanggung hutang tetapi hutang kita itu ada benda yang di tangan kita seperti kenderaan , rumah atau barangan.
6. Sebaliknya apa yang Tun cerita sekarang ini wang yang di hutang akan ditanggung kita nanti dalam bentuk cukai yang sudah ada dan di tambah dengan GST.
7. Malah wang hutang itu akan bertambah kerana tidak di bayar. Kita rakyat di kampung pun tahu bahana wang hutang yang tidak dibayar.
8. Tok Guru Agama pun tahu yang mengajar pada rakyat bahawa roh pun tergantung kalau si mati masih berhutang .
9. Persoalan ini perlu di ambil berat kerana ia menyangkut soal agama , ekonomi dan kehidupan.
10. Kita sudah terperangkap bila kita tidak mahu ambil tahu salah orang kerana pendapat kita yang buat salah itu berdosa. Sedangkan kita bantu bayar hutangnya dan akan tanggung hutang itu .
11. Lebih terok kalau kita tahu wang hutang yang kita tanggung itu sudah di guna untuk kemewahan atau perkara haram serta maksiat.
12. Rakyat akan dapat cerita lengkap dari siri ceramah ' Sayangi Malaysia Hapuskan Kleptokrasi ' di beberapa bandar terpilih.
13. Adalah merugikan kita kalau kita rakyat tidak mahu ambil tahu kemana wang hutang yang akan kita bayar telah di belanjakan. Sedangkan wang haram yang kita bayar itu seolah kita halalkan jika tiada tindakan di ambil.
14. Semua amalan yang kita buat di dunia ini akan di nilai kembali pada hari akhirat.

Wallahua'lam.

5.



6. [Log in to Reply](#) **zackM** [Aug 3, 2017 10:51 PM](#)

I do remember they told us that the payment due to IPIC will be done by en-cashing the "units" in Cayman Island. So what happen to the "units"? Was this story about the "units" being conjured by the same thieving mind as the "RM2.6 billion Arab donor"?

7.

8.  [Log in to Reply](#) **asahamat** [Aug 3, 2017 10:26 PM](#)

Assalamualaikum wbt Tun.

Agak panjang apa yg saya tulis ini. Saya sekadar ingin menyumbang demi Bangsa, Agama dan Negara ini.

Akan berjayakah PAS dlm PRU14 ini? Dari segi undi, merosot In Shaa Allah akan merosot jika PH ada strategi khusus utk tangani PAS. PAS sebenarnya sedang menakrif kemenangan cara lain dari apa yg kebanyakan orang fikir, termasuk PH. Apa takrifan kemenangan bagi mereka?

(2) PAS nak jadi King Maker. Itu target mereka kali ini. Jika PH @ BN menang tipis, PAS akan tentukan siapa membentuk Kjaan jika dia menang biar hanya 10 kerusipun. Menang tipis maksudnya, menang dgn julat < 10 kerusi. Maka jika PAS ada 10 kerusipun, secara Matematiknya, yg kalah sekalipun jika ditambah 10, pasti akan bentuk Kjaan bersama PAS.

(4) PAS mungkin tidak membentuk Kjaan, tetapi trade off PAS adalah dasar, strategi dan program Kjaan harus menerapkan kehendak PAS. Itu langkah awal PAS utk go real solo kemudiannya jika perlu. I salute their strategy. It may work jika PH tidak sedar. Itu bila selepas PRU14.

(5) Semasa berkempen PRU14, PAS juga boleh jadi King Maker. Di kubu PAS, dia go solo. Di mana UMNO tercabar hebat samada oleh Bersatu, PKR @ Amanah; PAS akan bantu UMNO. UMNO go solo di situ. PAS tak lawan. Dalam hal ini, PAS sudah membuat deal awal dgn UMNO tentang apa mereka kehendaki. Itu pasti Hadi dan Najib MO1 sudah meterai.

(4) Imej PAS mudah ie Islam. Betul tak betul itu hal lain. Yg penting kedengaran Islamis. Melayu sayang Islam. Melayu tidak akan khianati Islam. Jadi PAS perguna psikologi itu sepenuhnya. Di situlah kelemahan PH kerana PH nampak liberal dgn adanya DAP dan PKR.

(5) Melayu sayang UMNO. Samada UMNO sayang Melayu itu hal lain. Tetapi UMNO sounded very Malay. Melayu curiga akan PH sebab ada DAP dan PKR yg liberal. PAS juga Melayu. Melayu sayang Islam. PAS sounded Islamis. UMNO dan PAS menjadikan Melayu serba salah. Maka jalan mudah, Melayu akan terus sokong UMNO dan PAS. Namun itu In Shaa Allah boleh diubah. Bagaimana?

(6) Saya kira di dlm kelompok Melayu kebanyakan PH sedang menghadapi isu jatidiri. DAP dan PKR nampak terlalu liberal. DAP dimainkan sebagai "racist". Amanah dan Bersatu nampak "secular". Semua itu akan dimainkan sebagai tidak Islamis dan merosakkan Melayu. Akhirnya, Melayu kebanyakan tidak yakin kpd PH. Maka adakah HARAPAN?

(7) In Shaa Allah, Harapan tetap ada. Sebab itu, UMNO sudah mula bermain gendang HARAPAN juga. Now, harapan siapa lebih benar dan baik? Pokoknya, kita boleh menjangka strategi PAS n UMNO, maka apa usaha kita sekarang?

(8) Tun, if you step back, both yourself n Anwar had given the best hope for this Nation. Rakyat masih percaya dgn HARAPAN itu, maka sebab itu kini ada kebangkitan rakyat mendokong Tun. Step back. Look back. Both of you were the one whom had given the strength to UMNO to survive till today. In

In Shaa Allah both of you, especially you whom can take those away from UMNO to kill them. Use those then to move the masses to change their course to a better Malaysia.

(9) We must do it now. Secara saikologi, rakyat perlu 3 bulan kempen hebat utk faham. Mereka perlukan 3 bulan lagi utk yakin. Itulah tempoh critical utk mengubah hati nurani rakyat.

(10) Tun, you were the creator to all the good values and systems that can take UMNO and this Nation to where we are today. You can articulate and further elaborate and ehance those. Akui kelemahan. Perbaiki kekurangan. Buat perubahan. Itulah reform yg sedang semua rakyat nanti2kan. In Shaa Allah Tun boleh. Najib MO1 hanya pengikut. Dia bukan pencipta. Dia hanya boleh tiru tetapi hasilnya tidak akan tulin malah terbukti salah.

(11) Maka Tun, jika dapat menghumban Najib MO1 ke dlm penjara sekalipun bukanlah penyelesaian permasalahan kita kini. Kita sedang menghadapi masalah nilai dan sistem. Perbaiki nilai dan sistem kita. Jika itu betul, In Shaa Allah segala penipu, pembohong, pencuri, penyamun, penyanggak dan perasuah akan sangat kurang malah menyerah diri. Sesungguhnya semua sistem dan nilai mulia itu sudah ada, Tun sudah mulakannya, cuma sekarang ianya harus bernilai dan bersistem Islam yg betul. Sistem dan nilai Islam yg betul saja akan memperbaiki segala, malah mampu menumbangkan PAS dan UMNO. Kerja Tun yg belum selesai dalam menerap nilai2 dan sistem Islam itulah yg kini harus dikemukakan sebagai dasar, strategi dan program yg boleh memberi HARAPAN lebih baik kpd rakyat. Jadikanlah sistem dan nilai Islam sebagai pembina Bangsa, Agama dan Negara ini.

(11) Bersyukurlah dgn adanya Najib MO1 dgn 1MDB, FGV, malah hutang bertimbun dan budaya rasuah terbuka, itu semua harus diterima sebagai cabaran Allah utk kita celek dan kembali sadar utk jgn teruskan perjalanan menuju gaung yg merbahaya. Itu semua hanya cabaran dari Allah agar kita kembali benar dan betul.

(12) DAP jgn gusar, Islam sebenar tidak menindas sesiapa. Jgn lihat pd Islam kini. Lihatlah pd Islam di zaman Islam sebenarnya ie di zaman Muhammad SAW dan empat sahabat besarnya. Islam Allah jadikan utk semua. Maka selagi Melayu taat pd Islam sebenar, Melayu tidak akan khianat kpd Allah utk tadbir semua mahlukNya secara adil dan saksama. Time for DAP esp LKS to tone down in your public communique. You guys look "arrogant" in your communication style. That lies your problem with the Malays.

In Shaa Allah Tun boleh. Malaysia Boleh. Rakyat boleh. Kita boleh.

9.



10. [Log in to Reply](#) **Mawi77** [Aug 3, 2017 3:28 PM](#)

Terima kasih TUN..

Segala usha tun amat kami sanjung

Insyallah

11.

12.  [Log in to Reply](#) **farock** [Aug 3, 2017 2:30 PM](#)

Salam Tun

Sadly now we dont have any Prime Minister.What we have is a Prime Monster.He is a mad dog and we know very well what we should do to a dog which has gone mad,dont we?

Wassalam

13.

14.  [Log in to Reply](#) **The Hidden Secret** [Aug 3, 2017 1:17 PM](#)

Salam!

Ape la Najib ni... Duit nak bayar hutang tak ada tapi nak bagi macam-macam kepada peneroka-peneroka Felda dan pesara tentera. Nak beli undi lah tu.

© 2017 Chedet — All Rights Reserved.

Source: <http://chedet.cc/?p=2580>